



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

10. Tempestatum potentes feminæ punitæ & puniendæ.

urn:nbn:de:hbz:466:1-45686

manutua sunt. E quibus instruimur, ventos & tempestates cieri quidem à malignis spiritibus, qui ministri sunt pariter & rerum aduersarum procuratores; non posse autem cieri, nisi potestare concessa ab eo, cui summum imperium est in ventos, & omnem creaturam. Permittit autem eam potestatem, vel ad castigandos homines; vel ad probandos; vel, si peruvicaces sunt, ut impleant numerum ac mensuram peccatorū. Perinde autem est, seu immittantur, hac arte, venti, seu inhibeantur: vtroque modo nocere possunt: cùm sit & procella, & malacia nauigantibus periculosā.

IX.

Nimirum verè aurea est mediocritas; & , in omni re, *nimis multum, & nimis parum est perniciosum.* Hinc Anno 1135. nimius ventus multas turres atque ædificia subuertit. Sed & subtractio venti est exitiosa. Quo pacto Eunapius tradit, vrbe Constantinopolitanā in magnam rei frumentariae difficultatem adductā, naues in diuersas dimissas fuisse partes, quæ frumentum deueherent. Hæ, cùm onustæ redijssent, appelli ad littus, deficientibus ventis, nulla vi potuerunt. Quo cognito, populus yndique ad theatrum, saua famis stimulatus rabie, conuolauit. Tum Constantimum M. ea de re animi anxium, & tempestatis aduersæ rationem exigentem, æmuli, Sopatri Apamenis Syri sophistæ (qui, propter insignem sapientiam, in aula Constantini ad inuidiam eminere conspiciebatur) in primisque Ablauius præfectus prætorio adierunt, atque ita eum affati sunt: *Quod ventos votis refragari tuis vides, id scito Sopatri, quem tu tantis honoribus extulisti, peregrinā & perniciosa nobis sapientiā fieri: is enim, qui Lunam potest de calo deducere, eadem arte sua, ventos deuinxit; & quod minus nauibus aspirent, arcanis quibusdam verbis inhibuit.* Quà re auditæ, ille offensus, Sopatrum properè comprehendi, duci, ac securi percuti jussit. Adeò Magicæ artes exosæ & detestabiles erant Constantino, vt eas, siue per calumniam fictas, siue veras, ne in charissimo quidem, atque doctissimo viro, vellet tolerare.

X.

Spranger.lib.
quinque In-
quisitorum,

Nec nostra ætas tolerat, apud eos, qui & justitiæ sunt amantes, & sciunt, se damnorum, per veneficos, & beneficia illatorum, vel judices, vel participes esse oportere. Narrat Sprangerus, Anno 1488. in Constantiensi dioceesi, et si Coloni sedulò fecissent, tamen ventos, procellas, grandines, fulmina, & tempestates malas extitisse,

tisse, quæ fruges omnes in agris, quatuor milliarum spacio, perdiderint. Inspexit querelam magistratus. Megære comprehensæ sunt duæ, Anna de Mindelen, & Agne; ex seorsim confessæ sunt, se, vno die, in agrum, cum pauxillâ aquâ, processisse: &c, quamuis vna consilium nesciret alterius, effodisse scrobem, atque, sub meridiem, aquam scobi infusam conturbasse, adhibitis coniuratum formulis, & magicis procurationibus: quibus absolutis, simul ac domum reuertissent, procellam extitisse. Eant nunc homines, & dicant: aër ventos, aër grandines parit. ipsi hæc homines pariunt. Sed & puniunt illi, qui non consentiunt: consentiunt, qui non puniunt, cùm possunt. Nam, eodem teste scriptore, alia saga agri Constantiensis, cùm videret, omnes sui pagi incolas, in nuptijs latissimè coniuari, saltare, tripudiare, ægræ ferens, se prætermissam, & ad hæc gaudia non inuitatam, procuravit, vt, clara luce insperantibus pastoribus, per aërem, ab Orcino hirco, ad Phryxi & sororis eius modum, in collem exportaretur, pago propinquum. Ibi, cùm ei alia aqua deesset, mundissima Orci Nympha lotio scrobem impleuit, illudque pulmentum bacillo, an furcâ, in gyrum ter tertium commouens, voces quasdam arcanas admurmurauit. Mox cælo, quod sudum serenumque fuerat, nubibus atris obscurato, venti ac grando, in saltantes, vehementissimè sauerunt, &, tibicinum vice, functi, nuptiatores, extra chorum, atque sub testa saltare inuitos coegerunt. Saga domum, cornuto equo ligneo, reuelata, indicio pastorum, capta, viua igni fuit tradita, vt flammis lueret, quod aquis peccauisset. Hoc hominum genus accusemus, si ad votum nostrum non faciunt elementa, quæ bona esse mali non patiuntur. Ab hominibus discunt saeire.

Sapienter Seneca ait: *Non queri possumus, de auctore nostri Deo, si beneficia eius corrumpimus, & ut essent contraria, efficiamus.* Et rursum: *Si beneficia natura, utentium prænitate perpendimus, nihil non nostro malo accepimus.* Cui videre expediet? Cui loqui? Cui non vita tormentum est? Nihil innenies tam manifesta utilitatis, quod non in contrarium transferat culpa. Sic ventos quoque natura bonos futuros innenerat: ipsi illos contrarios fecimus. Neque venti tantum irritantur, sed etiam lucidus aëris, quem tenebriones, atrocissimorum autores facinorum, & opera tenobrarum obscurant. Refert enim

Et Bodin. lib.
2. Dæmons-
cap. 8.

XI.
Senec. lib. 5.
natur. qq. c. 18.